

izgradnje dijela magistralne ceste M-18 Sarajevo - Tuzla, dionica
Kladanj - Podpaklenik - potez Karaula.

II

Investitor, Javno preduzeće Ceste Federacije Bosne i Hercegovine d.o.o Sarajevo će uplatiti naknadu za promjenu namjene šumskog zemljišta u građevinsko na osnovu akta kojim će biti propisana procedura za promjenu namjene šumskog zemljišta.

III

Ova odluka stupa na snagu narednog dana od dana objave u "Službenim novinama Federacije BiH".

V. broj 1594/2012
11. decembra/prosinca
2012. godine
Sarajevo

Premijer
Nermin Nikšić, s. r.

2734

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 14. vanrednoj sjednici, održanoj 11.12.2012. godine, donosi

ODLUKU O NAČINU PRETVARANJA ŠUMSKOG ZEMLJIŠTA U GRAĐEVINSKO

I

Promjena namjene šumskog zemljišta u građevinsko može se dozvoliti ukoliko je to predviđeno važećim planom prostornog uređenja.

II

Dozvola za promjenu namjene šumskog zemljišta u građevinsko izdaje se u formi rješenja, koje donosi Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo) uz prethodno mišljenje kantonalnog ministarstva nadležnog za šumarstvo (u daljem tekstu: kantonalno ministarstvo) i mišljenja Federalne uprave za šumarstvo.

III

Zahtjev za promjenu namjene šumskog zemljišta u građevinsko mogu podnijeti samo vlasnik zemljišta ili koncesionar, a podnosi se federalnom ministarstvu uz sljedeću dokumentaciju: izvadak iz važećeg plana prostornog uređenja, izvadak iz zemljišnih knjiga, kopiju katastarskog plana, koncesioni ugovor ako se radi o koncesiji, okolišnu saglasnost u skladu sa propisima o zaštiti okoliša, saglasnost organa nadležnog za zaštitu istorijskog i prirodnog naslijeđa, saglasnost organa nadležnog za vodoprivredu i mišljenje kantonalnog ministarstva.

IV

Osoba kojoj je dozvoljena promjena namjene zemljišta obavezna je prije započinjanja radova, odnosno prije izdavanja odobrenja za građenje, uplatiti naknadu za promjenu namjene šumskog zemljišta u građevinsko, čija vrijednost se određuje u visini troškova podizanja i održavanja novih šuma na površini koja ne može biti manja od površine kojoj se mijenja namjena i tržišnoj vrijednosti drveta koja se dobije sjećom. Naknadu obračunava stručna komisija koju formira kantonalno ministarstvo, a uplaćuje se kao namjenski prihod Budžeta Federacije Bosne i Hercegovine u iznosu od 40%, odnosno namjenski prihod budžeta kantona u iznosu od 60% i ista se može koristiti samo u svrhu podizanja novih šuma. Kontrolu uplate naknade vrši nadležna šumarska inspekcija.

v

Rješenje za promjenu namjene šumskog zemljišta važi dvije godine od dana njegovog izdavanja.

VI

Ova odluka stupa na snagu narednog dana od dana objave u "Službenim novinama Federacije BiH" i primjenjivaće se do donošenja federalnog propisa za oblast šumarstva.

V. broj 1595/2012
11. decembra/prosinca
2012. godine
Sarajevo

Premijer
Nermin Nikšić, s. r.

2735

На основу члана 19. став 2. Закона о Влади Федерације Босне и Херцеговине ("Службене новине Федерације БиХ", бр. 1/94, 8/95, 58/02, 19/03, 2/06 и 8/06), Влада Федерације Босне и Херцеговине, на 15. ванредној сједници, одржаној 12.12.2012. године, доноси

**ОДЛУКУ
О ДАВАЊУ ПРЕТХОДНЕ САГЛАСНОСТИ ЗА
РЕАЛОКАЦИЈУ БУЏЕТСКИХ СРЕДСТАВА НА РАЧУН
РАЗВОЈНЕ БАНКЕ ФЕДЕРАЦИЈЕ БОСНЕ И
ХЕРЦЕГОВИНЕ**

I

Влада Федерације Босне и Херцеговине даје претходну сагласност за реалокацију средстава у износу од 8.400.000,00 КМ, на начин да се иста, у складу са Уговором о формирању намјенског депозита и Уговором о комисионим пословима, из раздјела 17. Буџета Федерације Босне и Херцеговине, позиција "Позајмљивање и учешће у дионицама-остала домаћа позајмљивања" - економски код 822 600, реалочирају на рачун Развојне банке Федерације Босне и Херцеговине, а Развојна банка Федерације Босне и Херцеговине ће их депоновати на рачун намјенског депозита.

III

У случају да на рачуну из тачке I ове одлуке остане нереализованих средстава, задужује се Федерално министарство енергије, рударства и индустрије да под истим условима распише јавни оглас за кандидовање преосталог дијела неутрошених средстава.

III

За реализaciju ove odluke zadužuju se Federalno ministarstvo energije, rudarstva i industrije, Federalno ministarstvo finansija - Federalno ministarstvo finansija i Razvojna banka Federacije Bosne i Hercegovine, svako u okviru svoje nadležnosti.

IV

Ова одлука ступа на снагу наредног дана од дана објављивања у "Службеним новинама Федерације БиХ".

В. број 1596/2012
12. децембра 2012. године
Сарајево

Премијер
Нермин Никшић, с. р.

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 15. vanrednoj sjednici, održanoj 12.12.2012. godine, donosi